


法句譬喻經

才二

四百卅六
獸四

51058



元祿九年丙子二月日重脩

皇圖聖圖 帝漸銀昌

佛日增輝 懋合輪常轉

山城州天安寺法金剛院置

Handwritten marks or characters at the bottom center of the page.

法句譬喻經卷第二

西晉沙門法炬共法立譯

歟

放逸品第十

昔佛在世時有五百賈客從海中大持七寶
還歸本國經歷深山為惡鬼所迷不能得出
糧食之盡窮頓困厄遂皆飢死所賣寶貨散
在山閒時有沙門在山中學道見其如此便
起想念吾勤苦學道積已七年不能得道又
復貧窮無以自濟此寶物無主取之持歸用
立門戶於是下山拾取寶物藏着一罇已便
出山求呼兄弟負馱持歸方到道半佛念比
丘應當得度佛便化作一比丘居剃頭法服

粧面畫眉金銀瓔珞隨谷入山道逢沙門頭
面作禮問訊起居道人呵比丘尼曰為道之
法應得尔不剃頭着法衣云何復粧面畫眉
瓔珞身體也比丘尼荅曰沙門之法為應尔
不辭親學道山居靜志云何復取非其財物
貪欲忘道使心放意不計無常生世如寄罪
報延長於是比丘尼為說偈言

比丘謹慎戒

放逸多憂患

變諍小致大

積惡入火焚

守戒福致喜

犯戒有懼心

能斷三界漏

此乃近涅槃

是時比丘尼說此偈已為現佛身相好光明
沙門見之悚然毛豎稽首佛足悔過自陳愚

癡迷謬違犯正教往而不返其將奈何於是
世尊即說偈言

若前放逸 後能自禁 是照世間 念定其宜

過失為惡 追覆以善 是照世間 念善其宜

少壯捨家 盛修佛教 是照世間 如月雲消

人前為惡 後止不犯 是照世間 如月雲消

巖

法名聲言明經卷二

二

目

於是比丘重聞此偈結一斷貪止稽首佛足還
到樹下數息相隨止觀一遂淨獲道果證成阿
羅漢

法句譬喻經心意品第十一

昔佛在世時有一道人在河邊樹下學道十二
年中貪想不除走心散意但念六欲目色耳

聲鼻香口味身更心法身靜意遊曾無寧息
十二年中不能得道佛知可度化作沙門往
至其所樹下共宿頃臾月明有龜從河中出
來至樹下復有水狗飢行求食與龜相逢便
欲噉龜龜縮其頭尾及其四脚藏於甲中不
能得噉水狗小遠復出頭足行步如故不能
奈何遂便得脫於是道人問化沙門此龜有
護命之鎧水狗不能得其便化沙門荅曰吾
念世人不如此龜不知無常放恣六情外魔
得便形壞神去生死無端輪轉五道苦惱百
千皆意所造宜自勉勵永滅度安於是化沙
門即說偈言

有身不久 皆當歸土 形壞神去 寄住何貪
心務造處 往來無端 念多邪僻 自為招患
是意自造 非父母為 可勉向正 為福勿回
歲六如龜 防意如城 慧與魔戰 勝則無患
於是比丘聞說此偈 貪斷婬止 即得羅漢道
知化沙門是佛 世尊敬肅 整服稽首 佛足天
龍鬼神莫不歡喜

法句譬喻經華香品第十二

昔佛在舍衛國國東南海中有臺臺上有華
香樹樹木清淨有婆羅門女五百人奉事異
道意甚精進不知有佛時諸女自相謂曰我
等稟形生為女人 從小至老為淫事所鑑不

得自由命又短促形如幻化當復死亡不如
共至華香臺上採取香華精進持齋降屈梵
天當從求願願生梵天長壽不死又得自在無
有鑑忌離諸罪對無復憂患即賫供具往至
臺上採取華香奉事梵天一心持齋願屈尊
神於是世尊見此諸女雖為俗齋其心精進
應可化度即與大眾弟子菩薩天龍鬼神飛
昇虛空往至臺上坐於樹下諸女歡喜謂是
梵天自相慶慰得我所願矣時一天人語諸
女言此非梵天是三界尊號名為佛度人無
量於是諸女前至佛所為佛作禮前白佛言
我等多垢今為女人求離鑑檢願生梵天佛言

諸女使得善利乃發此願世有二事其報明審
為善受福為惡受殃世間之苦天上之樂有
為之煩無為之寂誰能選擇取其真者善哉
諸女乃有明志於是世尊即說偈言

孰能擇地

捨鑑取天

誰說法句

如擇善華

覺者擇地

捨鑑取天

善說法句

能採德華

知世坯喻

幻法忽有

斷魔華敷

不覩死生

見身如沫

幻法自然

斷魔華敷

不覩死生

於是諸女聞佛此偈願學真道為比丘尼頭
髮自墮法衣具足思惟寂定即得羅漢道阿
難白佛言今此諸女素有何德乃令世尊而
就度之一聞說法出家得道也佛告阿難昔

迦葉佛時有大長者財富無數夫人姪女有五
百人其性妬惡門不妄開夫人姪女欲往見
佛終不肯聽後日國王召諸大臣上殿宴會
會輒竟日時夫人姪女見長者入會便共至
佛所稽首作禮小坐聽經各發願言令我世
世莫與惡人相遭遇所生之處恒與道德聖人
相值聞來世有佛名釋迦文身與相值出家
學道奉持訓誨佛語阿難尔時夫人姪女五
百人者今此五百比丘尼是本影懇惻今應得
度是以世尊就度之耳佛說是時莫不敬喜
昔佛始得道在羅閱祇國教化轉到舍衛國
國王群臣莫不宗仰時有賈客大人名曰波

利與五百賈人入海求寶時海神出掬水問
波利言海水爲多掬水爲多波利荅曰掬水
爲多所以者何海水雖多無益時用不能救
彼飢渴之人掬水雖少值彼渴者持用與之
以濟其命世世受福不可貲計海神歡喜讚
言善哉即脫身上八種香瓔校以七寶以與
波利海神送之安善往還到舍衛國持此香
瓔上波斯匿王具陳所由念是香瓔非小人
所服謹以貢上彫蒙納受王得香瓔以爲奇
異即呼諸夫人羅列前往若最好者以香瓔
與之六萬夫人盡嚴來出王問末利夫人何以
不出侍人荅言今十五日持佛法齋素服不

嚴是以不出王便瞋恚遣人呼曰如今持齋
應違王之命不乎如是三及末利夫人素服
而出在衆人中明如日月倍好於常王意悚
然加敬問曰有何道德炳然有異夫人白王
自念少福稟斯女形態垢穢日夜山積人
命短促懼墜三塗是以日月奉佛法齋割愛
從道世世蒙福王聞歡喜便以香瓔以與末
利夫人夫人荅言我今持齋不應着此可與
餘人王曰我本發意欲與勝者卿今取勝又
奉法齋道志殊高是以相與若卿不受吾將
安置夫人荅言大王勿憂願王屈意共到佛
所以此香瓔奉上世尊并採聖訓累劫之福

矣王即許焉即勅嚴駕往到佛所稽首於地
却就王位王白佛言海神香瓔波利所上六
萬夫人莫不貪得末利夫人與而不取持佛
法齋心無貪歆謹以上佛躬垂納受世尊弟
子執心歎齋直信如此豈有福乎於是世尊
爲受香瓔即說偈言

多作寶花結步搖綺廣積德香所生轉好
奇草芳花不逆風熏近道敷開德人遍香
栴檀多香青蓮芳花雖曰是真不如戒香
花香氣微不可謂真持戒之香到天珠勝
戒具成就行無放逸定意度脫長離魔道
佛說偈已重告王曰齋之福祐明譽廣遠譬

如天下十六大國滿中珍寶持用布施不如
末利夫人一日一夕持佛法齋如其福須
彌以豆矣積福學慧可到涅槃王及夫人群
目大小莫不歡喜執戴奉行

佛在羅閱祇耆闍崛山中城中有長者子五
十人往詣佛所作禮却坐佛爲說無常苦空
非身之法恩愛如夢會當別離尊榮豪貴亦
有憂戚唯有涅槃永離生死羣殃盡滅乃可
大安時五十人聞法喜悅影爲弟子佛言善
來比丘鬚髮自墮法衣具足即成沙門此諸
沙門有親友長者聞其出家意大代其歡喜
往到耆闍崛山與之相見讚言諸君使得善

利乃有此志爲之設檀請佛及僧明日佛與衆會就其舍食食訖說法晡時乃還此諸新學沙門戀慕宗黨皆欲返退佛知其意將出城門見田溝中汙泥糞壤中生蓮花五色香潔其香芬熏乃蔽諸臭佛便趣之因說偈言如田作溝近於大道中生蓮華香潔可意

有生死然凡夫處邊智者樂出爲佛弟子佛說偈已即還山中賢者阿難前白佛言向者世尊臨田溝上所說二偈不審其義躬聞其意佛告阿難汝見溝中汙泥不淨糞壤之中生蓮華不唯然見之佛言阿難人在世間展轉相生計壽百歲或長或短妻子恩愛飢

渴寒熱或悲或欣一凶二吉三毒四倒五陰
六入七識八邪九惱十惡猶如田溝畜藏糞
壤汙泥不淨歛有一人覺世無常發心學道
修清淨志疑神斷想自致得道亦如汙泥生
好蓮華身自得道還度宗親一切衆生皆蒙
開解亦如華香掩蔽臭穢五十比丘聞佛說
法進志堅固即得阿羅漢道
法句譬喻經愚闇品第十三

佛在舍衛國時城中有婆羅門年向八十財
富無數爲人頑闇慳貪難化不識道德不計
無常更作好舍前廳後堂涼臺煖室東西廂
廡數十梁閒唯後堂前距陽未訖時婆羅門

恒自經營指授衆事佛以道眼見此老公命
不終日當就後世不能自知而方忿忿善治
精神無福甚可憐愍佛將阿難往到其門慰
問老公得無勞倦今作此舍皆何所安公言
前廳待客後堂自處東西二廂當安兒息財
物僕使夏上涼臺冬入溫室佛語老公久聞
宿德思遲談講偶有要偈存亡有益欲以相
贈不審可小廢事共坐論不也老公荅言今
正大遽不容坐語後日更來當共善叙所去
要偈便可說之於是世尊即說偈言

有子有財 愚惟汲汲 我且非我 何憂子財
暑當止此 寒當止此 愚多預慮 莫知來變

愚蒙愚極 自謂我智 愚而稱智 是謂極愚
婆羅門言善說此偈今實信傳遽後來更論
於是世尊傷之而去老公於後自授屋椽椽
墮打頭即時命過家室涕哭驚動四隣佛去
未遠便有此變佛到里頭逢諸梵志數十人
問佛從何所來佛言屬到此死公舍為公說
法不信佛語不知無常今者忽然已就後世
具為諸梵志更說前偈義聞之欣然即得道
迹於是世尊而說偈言

愚闇近智 如瓢斟味 雖久狎習 猶不知法

開達近智 如舌嘗味 雖須更習 即解道要

愚人施行 為身招患 快心作惡 自致重殃

行爲不善 退見悔吝 致涕洗面 報由宿習
時諸梵志重聞此偈益懷薦信爲佛作禮
歡喜奉行

昔佛在舍衛國給孤獨精舍爲天人說法時
波斯匿王有一寡女名曰金剛少寡來歸父
王哀愍別爲宮舍作好舍宅給五百伎女以
娛樂之衆共有一長老青衣名曰度勝恒行
市脂粉香華見男女無數大衆賣香花出城
即問行人欲何所至衆人荅言佛出於世三
界之尊度脫衆生皆得涅槃度勝聞之心悅
意喜即自念言今老見佛宿世之福便分香
直持買好華隨衆人輩往到佛所作禮却立

散華燒香一心聽法已過市取香因聽法功德宿行所追香氣熏聞斤兩倍前嫌其遲晚而共詰之度勝奉道即如事言世有聖師三界之尊擊無上法鼓震動三千往聽法者無央數人實隨聽法是以稽遲金剛之徒聞說世尊法義深妙非世所聞悚然心歡而自歎

曰吾等何罪獨隔不聞即報度勝試為我說之度勝白曰身賤口穢不敢便宣乞更詔授如命說之即便遣出重告之曰具授儀式度勝未還金剛侍女側息中庭如子侍母佛告度勝汝還說法多所度脫說法之儀先施高座度勝受勅具宣聖旨皆大歡喜各脫衣一

領積爲高座度勝洗浴承佛威神如應說法
金剛之等五百餘人疑解破惡得須陁洹道
說法甚美不覺失火一時燒死即生天上王
將人從來爲救火見之已燃收拾棺殮葬送
畢訖往過佛所爲佛作禮却坐常位佛問王
所從來也王叉手言女金剛不幸不覺失火
大小燒盡適棺殮還不審何罪遇此火害准
影世尊剖告未聞佛告大王過此世時有城
名波羅奈有長者婦將姪女五百人至城外
大祠祀其法難忍他姓之人不得到邊不問
親踈來者仰着火中時世有一辟支佛名曰
迦羅處在山中晨來分衛暮輒還山迦羅分

衛來趣郊祠長者婦見之忿然瞋恚共捉迦
羅撲着火中舉身焦爛便現神足飛昇虛空
衆女驚怖泣淚悔過長跪舉頭而自陳曰女
人蠢愚不識至真群愚荒駭毀辱神靈自惟
過豐罪惡若山願降尊德以消重殃尋聲即
下而般涅槃諸女起塔供養舍利佛爲大王
而說偈言

愚憊作惡

不能自解

殃追自焚

罪成熾然

愚所望處

不謂適苦

臨墮厄地

乃知不善

佛告大王今時長者婦今王女金剛是五百
侍女今度勝等五百伎女是罪福追人久無
不彰善惡隨人如影隨形說是法時國內大

小信伏歡喜咸歸三尊皆受五戒即得道跡
法句譬喻經明哲品第十四

昔有梵志厥年二十天才自然事無大小過
目則能自以聰哲而自誓曰天下伎術要當
盡知一藝不通則非明達也於是遊學無師
不造六藝雜術天文地理醫方鎮厭山崩地
動擣蒲博弈樂妓搏撮裁割衣裳文繡綾綺
厨膳切割調和滋味人間之事無不兼達心
自念曰丈夫如此誰能及者試遊諸國摧伏
抵對奮名四海伎術衝天然後載功竹帛垂
勲百代於是遊行往至一國入市觀視見有
一人坐作角弓拊筋治角用手如飛作弓調

快買者諱前即自念曰少來所學自以具足
邂逅自輕不學作弓若彼鬪伎吾則不如矣
當從受學耳遂從弓師求為弟子盡心受學
月日之中具解弓法所作巧妙乃踰於師布
施財物奉辭而去去之一國當渡江水有一
舡師用舡若飛迴旋上下便疾無雙復自念
曰吾伎雖多未曾習舡雖為賤術其於不知
宜當學之萬伎悉備遂從舡師躬為弟子供
奉盡敬竭力勞勤日月之中知其逆順御舡
迴旋乃踰於師布施財物奉辭而去復至一
國國王宮殿天下無雙即自念曰作此殿匠
巧妙乃亦自隱遊來偶不學之若與競巧必

不勝矣且當復學意乃足耳遂示殿匠願爲
弟子盡心供養執持斤斧日月之間具解尺
寸方圓規矩彫文刻鏤木事盡知天才明朗
事輒勝師布施所有辭師而去周行天下遍
十六大國命敵擗伎獨言隻步無敵應者心
自貢高曰天地之間誰有勝我者佛在祇桓

逢見此人應可化度佛以神足化作沙門拄
杖持鉢在前而來梵志由來國無道法未見
沙門恠是何人頃至當問頃史來到梵志問
曰百王之則未見君輩衣裳制度無有此服
宗廟異物不見此器君是何人形服改常也
沙門荅曰吾調身人復問何謂調身於是沙

門因其所習而說偈言

弓匠調角 水人調船 巧匠調木 智者調身

譬如厚石 風不能移 智者意重 毀譽不傾

譬如深淵 澄靜清明 慧人聞道 心淨歡然

於是沙門說此偈已身昇虛空還現佛身三

十二相八十種好光明洞達照耀天地後虛

空來下謂其人曰吾道德變化調身之力也

於是其人五體投地稽首問曰願聞調身其

有要乎佛告梵志五戒十善四等六度四禪

三解脫此調身之法也夫弓船木匠六藝奇

術斯皆綺飾華譽之事蕩身縱意生死之路

也梵志聞之欣然信解願為弟子佛告沙門

善來鬚髮自墮即成沙門佛重爲說四諦八
解之要尋時即得阿羅漢道

昔佛在舍衛國有山民居村五六十家去國
五百里村中有一貧家其主人婦懷妊十月
雙生二男甚大端正無比父母愛之便爲作字
一名雙德二名覆福生五六十日其父放牛
來還懈怠却卧床上其母出田拾薪未還此
二小兒左右顧視不見父母便共相責語一
人言前世之時垂當得道正坐愚意謂命可
常退墮生死不可計劫今乃得生此貧家作
子穰草之中以甌甃自覆食飲麤惡裁自支
身如此至久去何可活皆坐前世戀慕富貴

放身散意快樂須臾從尔已來長塗受苦如
今憂惱當何怙恃一人荅曰我尔時小稚一
時之勤不意精進而令數世遭諸苦患此是
自為非父母作也但共當之復何所言父聞
二子相責如是甚大恠之謂呼是鬼祟來生
灾變去何數十日小兒乃作此言恐其後日
殺親滅族曷小未大宜當殺之其父驚出閉
門捨去到田取薪欲燃火燒殺之其母來還
問夫用此薪為夫言甚大可恠所說如是此
似是鬼必破人門族以其曷小欲燒殺之其
母聞此意中恟然猶豫未信小停數日更聽
其言至明日夫婦俱出於戶外潛聽二兒在

內相責如故夫婦重共聞之甚恠所以便共
集薪密欲燒之佛以天眼見此夫婦欲燒殺二
子愍其可憐宿福應度往到其村普放光明
天地大動山川樹木皆作金色村中大小驚
到佛所爲佛作禮莫不懽喜知佛至神三界
無比佛到雙生小兒家二兒見佛光明喜踊
難量父母又驚各抱一子將至佛所問佛世
尊此小兒生來四五十日所說如是甚共恠
之恐作禍害欲火燒殺之正值佛來未及得
燒不知此小兒爲是何等鬼魅也唯影解說
是何災恠小兒見佛踊躍歡喜佛見小兒大
笑口出五色光普照天地佛告小兒父母及

村人大小此二小兒那是鬼魅福德之子前
迦葉佛時曾作沙門小小共為朋友同志出家
各自精進臨當得道欸起邪想共相沮敗樂
世榮華恃福生天下為侯王國主長者欸起
是想便墮退轉不得涅槃受此生死玆連劫
數常相鈎牽轉共雙生遇我世時今玆乃生

以往供養佛故餘福應度罪滅福生自識宿
命是以世尊故來度之我不度者橫為火所
燒於是世尊即說偈言

大人體無歆 在世照然明 雖或遭苦樂
不高現其智 大賢無世事 不彰子財國
常守戒慧道 不貪邪富貴 智人知動搖

譬如沙中樹

朋友志未強

隨色染其素

佛說是時小兒見佛其身即踊如八歲小兒
即作沙彌得羅漢道村人大小見佛光相又
見小兒形變踊大皆大歡喜得須陀洹道父
母疑解亦得法眼

法句譬喻經羅漢品第十五

昔有一國名那黎近南海邊其中人民採真
珠旃檀以為常業其國有一家兄弟二人父
母終亡欲求分異家有一奴名分那年少聰
了賈販市買入海治生無事不知居家財物
分為一分以奴分那持作一分兄弟擲籌弟
得分那將妻子空手出舍時世飢儉唯得分

那恐不相活以爲愁憂奴分那白大家言彰
莫愁憂分那作計月日之中當令勝兄大家
言若審能尔者放汝爲良人大家夫人有私珠
物與分那作奉時海潮來城內人民至水邊
取薪分那持少珠物至城外見一乞兒負薪薪
中有牛頭栴檀香可治重病一兩直千兩金
時世有一不可常得分那識之以金錢二枚
買得持歸破作數十段時有長者得重病當
得此牛頭栴檀香二兩合藥求不能得分那
持往即得二千兩金如是賣盡所得資財富
兄十倍大家感念分那之恩不違言誓放爲良
人隨意所樂分那辭行學道到舍衛國爲佛作

禮長跪白佛所出微賤心樂道德唯彰世尊
垂慈濟度佛言善來分那頭髮自墮法衣着
身即成沙門佛為說法尋得羅漢道坐自思
惟今得六通存亡自由皆主人之恩今當往
度并化國人於時分那往到本國至主人家
主人歡喜請坐設食食訖澡手飛昇虛空分
身散體半出水火光洞達從上來下告主
人曰此之神德皆是主人放捨之福往到佛
所所學如是主人荅曰佛之神化微妙乃亦
彰見世尊受其教訓分那荅曰但當志心供
設饌具佛三達智必自來矣即便設供宿昔
已辦向舍衛國稽首長跪燒香請佛唯彰屈

尊廣度一切佛知其意即與五万羅漢各以
神足往到其舍國王人民莫不驚肅來至佛
所五體投地却坐王位食畢澡訖佛為主人
及王官屬廣陳明法皆受五戒為佛弟子起
住佛前歎分那曰在家精勤出家得道神德
高遠家國蒙度我當云何以報其恩於是世
尊重歎分那而說偈言

心已休息 言行亦止 從正解脫 寂然歸滅

棄欲無着 缺三界障 婬意已絕 是謂上人

若聚若野 平地高岸 應真所過 莫不蒙度

彼樂空閑 衆人不能 快哉無婬 無所欲求

佛說偈已 主人及王益加歡喜供養七日得

須陀洹道

法句譬喻經述千品第十六

昔佛在舍衛國有一長老比丘字般特新作
比丘稟性闇塞佛令五百羅漢日日教之三
年之中不得一偈國中四輩皆知其愚冥佛
愍傷之即呼着前授與一偈守口攝意身莫
犯如是行者得度世般特感佛慈恩歡欣心
開誦偈上口佛告之曰汝今年老方得一偈
人皆知之不足為奇今當為汝解說其義一
心諦聽般特受教而聽佛即為說身三口四
意三所由觀其所起察其所滅三界五道輪
轉不息由之昇天由之墮淵由之得道涅槃

自然分別為說無量妙法般特燿然心開即
得羅漢道尔時有五百比丘別有精舍佛
日遣一比丘為說經法明日般特次應當行
諸比丘聞之皆預含笑明日來者我等當逆說
其偈令之慚愧無所一言明日般特往詣丘
大小皆出作禮相視而笑坐畢下食食已澡
手請令說法般持即上高座自感否曰薄德
下才末為沙門頑鈍有素所學不多唯知一
偈粗識其義當為敷演影各靜聽諸年少比
丘居歆逆說偈口不能開驚怖自責稽首悔
過般特即如佛所說一一分別身意所由罪
福内外昇天得道凝神斷想入定之法即時

諸君聞其所說甚恠其異一心歡喜皆得羅漢道後日國王波斯匿請佛衆僧於正殿會佛故現般特威神與鉢令持隨後而行門士識之留不聽入卿為沙門一偈不了受請何為吾是俗人尚由知偈豈况沙門無有智慧施卿無益不須入門般特即住門外佛坐殿上行水已畢般特持鉢伸臂遙以授佛王及羣臣夫人太子衆會四輩見臂來入不見其形恠而問佛是何人臂佛言是般特比丘臂也近日得道向吾使持鉢門士不聽來入是以伸臂授吾鉢耳即便請入威神倍常王白佛言聞般特本性愚鈍方知一偈何緣得道

佛告王曰學不必多行之爲上般特解一偈
義精理入神身口意寂淨如天金人雖多學
不解不行徒喪識想有何益哉於是世尊即
說偈言

雖誦千章句義不正不如一要聞可滅意

雖誦千言不義何益不如一義聞行可度

雖多誦經不解何益解一法句行可得道

佛說偈已二百比丘得阿羅漢道王及群臣

夫人太子莫不歡喜

昔佛在舍衛國精舍之中爲天人說法時舍
衛國中有婆羅門長者名藍達大富無極其
家貨財不可計數梵志之法當作大檀以顯

名譽盡家之財持用布施作般闍于瑟供養
婆羅門五千餘人五年之中供給衣被牀榻
醫藥珍竒寶物郊祠供具盡所愛惜諸梵志
等五年之中爲羅摩達長者祭祀諸天四山
五嶽星宿水火無不周遍呪願長者長夜受
福五歲已周最後一日極大布施如長者法
金鉢盛銀粟銀鉢盛金粟象馬車乘奴婢資
財七寶服飾織蓋履屐鹿皮之衣錫杖踞床
澡罐澡槃牀榻蓆薦所應當得事事八萬四
千盡持布施當其尔日皆來大會鬼神國王
大臣梵志大姓悉來會坐隱隱闐闐莫不歡
欣佛見如是歎然言曰此大姓梵志何以愚

癡所作大多福報薄少如種火中何從得報也若我不化長離法門於是世尊便起嚴服化從地出放大光明普照衆會大小見之恠未曾有驚怖悚懼不知何神長者羅摩達及諸大衆頭面著地爲佛作禮佛見衆人皆有敬心因其恭肅便說偈言

月千反祠

終身不輟

不如須臾

一心念法

一念造福

勝彼終身

雖壽百歲

奉事火神

不如須臾

供養三尊

一供養福

勝彼百年

於是世尊告藍達曰施有四事何等爲四一者施多得福報少二者施少得福報多三者施多得福報多四者施少得福報亦少何謂施

多得福報少者其人愚癡殺生祭祠飲酒歌舞破損財寶無有福慧何謂施少得報少者以慳貪惡意施於道士俱兩愚癡是以無福何謂施少得福多者能以慈心奉道德人道士食已精進學誦施此雖少其福弥大何謂施多得福多者若有賢者覺世無常好心出財起立精舍菓園供養三尊衣服床榻厨膳斯福如五河流入於大海福流如是世世不斷是施多其報轉多譬如農家地有厚薄所得不同介時藍達長者座中天人見佛變化聞說法言皆大歡喜諸天人神皆得須陀洹五千梵志皆作沙門得應真道主人藍達居

家大小皆受五戒亦得道迹國王大臣皆受
自歸爲優婆塞亦得法眼

昔佛在舍衛精舍教化時羅閱祇國有一人
爲人凶愚不孝父母輕侮良善不敬長老居
門衰耗常不如意便行事火欲求福祐事火
之法日適欲沒燃大火聚向之跪拜或至夜
半火滅乃止如是三年不得其福更事日月
事日月法晝以日出夜以月明向日月拜沒
乃休止如是三年復不得福輒復事天燒香
跪拜奉上甘美香華酒脯豬羊牛犢遂至貧
困故不得福勤苦憔悴病不去門聞舍衛國
有佛諸天所宗當往奉事必望得福即到佛

所至精舍門瞻觀世尊光相晃然容顏奇異
如星中月見佛歡喜頭面作禮叉手白佛生
長愚癡不識三尊事火日月及諸天神九年
精勤永不蒙福顏色憔悴氣力衰微四大多
患死亡無日伏承世尊度人之師故遠自歸
躬爲福度佛告之曰汝之所事盡是妖邪鬼
魅魍魎禱祀如山罪如江海殺生求福去福
遠矣正使百劫勤苦盡敬普天猪羊持用禱
祀罪如須彌福無芥子徒自費喪豈不惑哉
又卿爲人不孝父母輕易賢善不敬長老憍
慢貢高三毒熾盛罪疊日深何緣得福若能
改心敬禮賢者威儀禮節供奉長老棄惡信

善修己崇仁四福日增世世無患何等爲四
一者顏色端正二者氣力豐強三者安隱無
病四者益壽終不枉橫行之不懈亦可得道
於是世尊即說偈言

祭神以求福

從後觀其報

四分未望一

不如禮賢者

能善行禮節

常敬長者

四福自然增

色力壽而安

於是其人聞佛此偈歡喜信解稽首作禮重
白佛言罪垢所蔽積罪九年僥賴慈化今得
開解唯彫世尊聽爲沙門佛言善來比丘頭
髮自墮即成沙門內思安般即得羅漢道
法句譬喻經惡行品第十

昔佛在羅閱祇國遣一羅漢名須漫持佛髮
爪至罽賓南山中佛圖寺五百羅漢當止其
中旦夕燒香遶塔禮拜時彼山中有五百獼
猴見道人供養塔寺即便相將至深澗邊負
輦泥石效作佛圖豎木立刹弊幡繫頭旦夕
禮拜亦如道人時山水暴漲五百獼猴一時
灑沒魂神即生第二忉利天上七寶殿舍衣
食自然各自念言從何所來得生天上即以
天眼自見本形獼猴之身效諸道人戲作塔
寺雖身漂沒神得生天今當下報故屍之息
各將侍從華香伎樂臨故屍上散華燒香遶
之七帀時山中有五百婆羅門外道邪見不

信罪福見諸天人散花作樂遶獼猴屍恠而
問曰諸天光影巍巍乃尔何故屈意供養此
屍諸天人言此屍是吾等故身昔在此閒効
諸道人戲立塔寺山水暴漲漂沒吾等以此
微福得生天上今故散華以報故身之恩戲
為塔寺獲福如此若當至心奉佛其德難喻
卿等邪見不信正真百劫勤苦無所一得不
如共往耆闍崛山禮事供養得福無限即皆
欣然共至佛所五體作禮散華供養諸天人
自佛我等近世獼猴之身蒙世尊之恩得生
天上恨不見佛今故自歸重白佛言我等前
世有何罪行受此獼猴身雖作塔寺身被漂

沒佛告天人此有因緣不從空生吾當爲汝
說其所由乃往昔時有五百年少婆羅門共
行入山欲求仙道時山上有一沙門欲於山
上泥治精舍下欲取水身輕若飛五百婆羅
門興嫉妬意同聲笑之今此沙門上下翻疾
亦如猕猴耳何足爲竒也如是取水不止山
水一來溺死不久佛告諸天人亦時上下沙
門我身是也五百年少婆羅門者五百猕猴
身是戲笑作罪身受其報於是世尊即說偈
言

戲笑爲惡 已作身行 號泣受報 隨行罪至
佛告諸天人汝之近世雖爲獸身乃能戲笑起

作塔寺今得生天罪滅福興今者復來躬奉
正教從此因緣長離衆苦佛說是已五百天
人即得道迹其所共來水邊五百婆羅門聞
罪福之報而自歎曰吾等學仙積有年數未
蒙果報不如獼猴戲笑爲福得生天上佛之
道德實妙乃介於是稽首佛足願爲弟子佛
言善來比丘即成沙門精進日修遂得羅漢
道

昔佛在舍衛國精舍之中爲天人說法時國
王第二兒名曰琉璃其年二十將從官屬退
其父王伐兄太子自擅爲王有一惡臣名曰
那利白琉璃王王本爲皇太子時王至舍夷

國外家舍看到佛精舍中為諸釋子所呵罵
詈無有好醜尔時見勅若我為王便啓此事
今時已到兵馬興盛宜當報怨即勅嚴駕引
率兵馬往伐舍夷國佛有第二弟子名摩訶目
捷連見琉璃王引率兵士伐舍夷國以報宿怨
今當代殺四輩弟子念其可憐便往到佛所
白佛言今琉璃王攻舍夷國我念中人當遭
辛苦我欲以四方便救舍夷國人一者舉舍
夷國着虛空中二者舉舍夷國人着海中三
者舉舍夷國人着兩鐵圍山閒四者舉舍夷
國人着他方大國中央令琉璃王不知其處
佛告目連雖知卿有是智德能安處舍夷國

之萬物衆生有七不可避何謂為七一者生
二者老三者病四者死五者罪六者福七者
因緣此七事意雖欲避不能得自在如卿
威神可得作此宿對罪負不可得離於是目
連禮已便去自以私意取舍夷國人知識檀
越四五千人盛着鉢中舉着虛空星宿之際
琉璃王伐舍夷國殺三億人已引軍還國於
是目連往到佛所為佛作禮自貢高曰琉璃
王伐舍夷國弟子承佛威神救舍夷國人四
五千人今在虛空皆盡得脫佛告目連卿為
往看鉢中人不也曰承往視之佛言卿先往
視鉢中人去還尊者目連以道力下鉢見中

人皆死盡於是目連悵然悲泣愍其辛苦還
白佛言鉢中人者今皆死盡道德神力不能
免彼宿對之罪佛告目連有此七事佛及衆
聖神仙道士隱形散體皆不能免此七事於
是世尊以偈說曰

非空非海中

非隱山石閒

莫能於此處

避免宿惡殃

衆生有苦惱

不得免老死

唯有仁智者

不念人非惡

佛說是時座上無央數人聞佛說無常法皆
共悲哀念對難免欣然得道逮須陀洹證
法句譬喻經刀杖品第十八

昔有一國名曰賢提時有長老比丘長病委頓

羸瘦垢穢在賢提精舍中卧無瞻視者佛將
五百比丘往至其所使諸比丘傳共視之爲
作漿粥而諸比丘聞其臭處皆共賤之佛使
天帝釋取湯水佛以金剛之手洗病比丘身
體地尋震動燿然大明莫不驚肅國王臣民
天龍鬼神無央數人往到佛所稽首作禮白
佛言佛爲世尊三界無比道德已備云何屈
意洗此病瘦垢穢比丘佛告國王及衆會者
如來所以出現於世爲此窮厄無護者耳供
養病瘦沙門道士及諸貧窮孤獨老人其福
無量所願如意譬五河流福來如是功德漸
滿會當得道王白佛言今此比丘宿有何罪

困病積年療治不瘥佛告王曰往昔有王名
曰惡行治政嚴暴使一多力伍伯主令鞭人
伍伯假王威怒私作寒熱若欲鞭人責其價
數得物鞭輕不得便重舉國患之有一賢者
爲人所訴應當得鞭報伍伯言吾是佛弟子
素無罪過爲人所枉願小垂恕伍伯聞是佛
弟子輕手過鞭無着身者伍伯壽終墮地獄
中拷掠萬毒罪滅復出墮畜生中恒被搥杖
五百餘世罪畢爲人常嬰重病痛不離身亦
時國王者今調達是也伍伯者今此病比丘
是也賢者吾身是也吾以前世爲其所怒鞭
不着身是故世尊躬爲洗之人作善惡殃福

隨身雖更生死不可得免於是世尊即說偈
言

枉杖良善 妄讒無罪 其殃十倍 灾率無赦

生受酷痛 形體毀折 自然惱病 失意恍惚

人所誣染 或縣官厄 財產耗盡 親戚離別

舍宅所有 灾火焚燒 死入地獄 如是為十

時病比丘聞佛此偈及宿命事自知本行尅

心自責即於佛前所患除愈身安意定即得

阿羅漢道賢提國王歡喜信解尋受五戒為

清信士設命奉行得須陁洹道

昔佛在舍衛國祇樹給孤獨園精舍中為天人

龍鬼說法東方有國名鬱多羅波提有婆羅

門等五百人相率欲詣恒水岸邊有三祠神池沐浴垢穢儼形求仙如左捷法道由大澤迷不得過中道乏糧遙望見一樹如有神氣想有人居馳趨樹下了無所見婆羅門等舉聲大哭飢渴委厄窮死斯澤樹神人現問諸梵志道士那來今欲何行同聲答曰欲詣神池澡浴望仙今日飢渴幸哀矜濟樹神即舉手百味飲食從手流溢給衆飯食皆得飽滿其餘食飲足供道糧臨當別去詣神請問本行何德致此巍巍神荅梵志吾本所居在舍衛國時國大臣名曰須達飯佛衆僧於市買酪無提酪者左右頭視倩我提之往到精舍

使我斟酌訖行澡水儼然聽法一切歡喜稱
善無量時我奉齋暮還不食婦恠問我不審
何恨荅曰不恨也吾行於市見長者須達於
園飯佛請我往齋齋名八閔其婦瞋恚忿然
言曰瞿曇亂俗奚足採納君不毀遺則禍從
此興踈迫不已便共俱食時我尔夜年壽筭
盡終於夜半神來生此為是愚婦敗我齋法
不卒其業來生斯澤作此樹神提酪之福手
出飲食若終齋法應生天上封受自然即為
梵志而說偈頌曰

祠祀種禍根 日夜長枝條 唐苦敗身本
法齋度世仙

梵志悉聞偈解信受旋還舍衛路由一國國名
拘藍尼有長者名曰美音爲人息仁衆人敬仰
梵志過宿長者問曰道士何來今欲所至具
陳彼澤樹神功德歆詣舍衛造須達所攢採
齋法冀蒙得福美音喜踊宿行所追恒自解
暢宣令宗室誰能共行受齋措式合五百人
僉然應命本影相引咸議嚴出共詣舍衛未
至祇洹道逢須達願問從者此何丈夫對曰
須達梵志衆等喜而追曰吾影成矣求人得
人馳趣相見同聲歎曰樹神歎德注仰虛心
具說所嗟故來投託冀覩法齋住車荅曰所
求大善吾有尊師號曰如來祐度人類近在

祇洎可共親造敬諾恭肅進前途見如來情
喜難量五體投地退坐一面皆共長跪白世尊
曰本初發家歆至三池沐浴求仙經由樹神
所陳如此是故投化願示極靈於是世尊因
其所行而爲說偈

雖僂剪髮杖服草衣 沐浴踞石 奈疑結何

不伐殺燒 亦不求勝 仁愛天下 所適無患

五百梵志聞偈歡喜皆作沙門得應真道美
音宗等逮得法眼諸比丘白佛言五百梵志
及長者等本行何德得道何速世尊告曰過
去久遠時世有佛名曰迦葉爲諸弟子說我
當來五濁之時時有梵志長者千人同發是

言令我遭見釋迦父佛尔時梵志者今此等
 梵志是尔時長者今美音等是從是因緣見
 我便解比丘歡喜作禮奉行

法句譬喻經卷第二

獸

憂愆

反下 去乾

迷謬

反下 苗幼

凝神

上魚

掬水

上音

菊手 撲

反蒲角

蠢愚

上陟

糞壤

反下 汝兩

欵

反許 勿音

鬼魅

二下 反眉

奄蔽

作揜

嶽

音岳

距陽

上正

作拒

犀障

搏撮

七上 活反

屋椽

下直

瓢

步苗

瞽

反日

遲

上音

羶鵝

下上 胡葛

過

反許

荒

近

駮

反下 癡語

措上

樗蒲

下上 賭戲

博

反罪

亦

圍

碁

